

Date – 30/04/2024

Time - 7:30 -7:40Hrs

## REGIONAL NEWS BULLETIN

### HEADLINES (MORNING)

1. Lunglei khawpui chu Municipal Council hnuai a awm tak avangin Lunglei RD Block a LMC huamchhunga Job Card nei mi sing 1 & 4200 vel paih a ni dawn.
2. PHE department chuan tunlai hian Tlawng lui atangin nitin tui litre nuai 300 vel an pump thin thu leh, tun dinhmunah Tlawng luiah tui a tam tawk tih an sawi.
3. Vice President Jagdeep Dhankhar an thubuai rem dan Indian Arbitration system siamthat a tul thu a sawi.



### LUNGLEI NREGS

Lunglei khawpui chu Municipal Council hnuai a awm tak avangin Lunglei RD Block a LMC huamchhunga Job Card nei mi sing 1 & 4200 vel paih a ni dawn.

Rural Dev.Deptt Secy chuan hriattirna a chhuah angin LMC hnuai a Job Card nei te tan ni 100 inhlawhna chu April ni 1 atang khan a tawp a. Hetihlai hian a tawp nan kar hmasa lam khan Job Card neitu, Bank-a mapping ti te Account ah pawisa thun a ni a, héi hi January, February leh March thla hlauh niin Rs 6225 a ni a, mapping ti ve lo te erawhin farewell NREGS hlauh tia sawi, cheng 6225 hi an dawng ve thei lova, BDO office ah thil awm dan zawtfiahin mi engemawzat chu an buai hle a ni. Mapping hi Aadhar Card leh account thlunzawmna niin aadhar card neilo leh bank a thlunzawm ve lo te chuan pawisa hi an dawng ve thei lova, hei hi nikum lam khan Office-a thawk te chuan Gram Sabha ah te pawh an lo sawi tawh thin a, ngai pawimawh an awm laiin ngai pawimawh ve lo leh a nachang hre ve lo te chuan harsatna hi an tawk taah an ngai tih an sawi.

Lunglei RD Block a Job Card 18900 atangin LMC area bikah Job Card 14200 vel paih an nih tak avang hian NREGS hnuai an sum hmuh thin hlauh, Material component leh Administrative cost belh khawm chu avaiin cheng vbc 75, nuai 54 leh sing 4 vel ni a chhut a ni a, Ni za inhlawhna hi chhungkaw tam tak chuan Quota khul nan, dawr baah te leh naupang school fee atana inngah nan an hmang a, miharsa zawk te an mangang lawk in an huphurh hle tih Lungleia kan corr chuan a sawi a ni.

Thudawn danin Zobawk lamah phei chuan LMC atanga talchhuah leh dan tur an ngaihtuah mek a, veng thenkhatah NREGS atanga bawlhhlawh paihna

thawhkhawm an awm avangin bawlhhlawh paih ringawt pawh harsatna tawh an awm dawn ni a thudawn a ni.

(Thangmingliana Lawngtlai PTC)



### MPYCC

Mizo nula Dubai lama inhlawh tura kalten buaina an tawh chungchanga thu kal zelah sawrkar anga hmalak ngai tamtak a awm ni a sawiin Mizoram Pradesh Youth Congress Committee (MPYCC) chuan Chief Minister Pu Lalduhoma hma la turin an ngen a,

An ngenna lehkha hi nimin khan party mi leh sa engemaw zatin Chief Minister Office (CMO) ah lehkha thehluh tumin an kal a, hun rei vaklo police ten nen an innawr hnuah Chief Minister in amah hmu tura mi 10 luh a phal hnuah an innawr zui ta lo a ni.

MPYCC hruaitute chuan Dubai-a hnathawl Lalchhuanzela Ralte in February ni 16 a Mizoram Sawrkar hnena Mizo naupang kumtling lo housemaid atana hruait Dubai Jail – a an tan thu a hriattir hnuah, Mizoram sawrkar in an bengkhawn lo a, Youtuber pakhatin Lalchhuanzela Ralte a kawm hnuah chauh Mizo mipuiten an hre chho a ni an ti a, Mizoram Sawrkar chetdan an duhloh an ti a,

MPYCC hruaitute chuan Mizo naupang kumtling lo passport lem siam saka thawntu agency te chu CM te chenna Chawhmun an nih thu sawiin, Chief Minister in Assembly House ah a sawi pial char char a ni an ti a. CM te chenna Chawhmun veng ni mahse, dan anga an chungga action lak an phut thu sawiin, action lak a nih loh chuan hma an lak zel tur thu an sawi.

Dubai – a Mizo naupang kumtling lo harsatna tawkte lo buaipuitu Lalchhuanzela Ralte chu zangdanawmna pe ngei turin MPYCC chuan Mizoram Sawrkar an phut tih an sawi bawk.

Chief Minister Pu Lalduhoma chuan hemi chungchangah hian sorkar dinhmun sawifiahin, Aizawl DC in Mizoram Pvt Placement agency Regulation Act hnuaiah placement agency 27 hnenah liscenece a pe a, he dan hnuaiah hian Mizoram pawna inthawn theihloh tih a awm si lova, hei vang hian thil tisial anni bik lo tia a sawi chhan a ni a ti a,

He dan hian Mizoram pawna thawnchhuah a phal miau avangin, ram pawn a thawnchhuah chungchangah pawh hmalak a harsa a, he dan hi siamthat a ngai a ti.

(Corr)



### WATER SUPPLY

Public Health Engeneering (PHE) department chuan tunlai hian Tlawng lui atangin nitin tui litre nuai 300 vel an pump thin thu leh, tun dinhmunah Tlawng luiah tui a tam tawh tih an sawi.

Aizawl khawpuiah tui connection sing sarih leh sang riat vel a awm mek a, kum 2023 bik khan tui connection hi sang sarih leh zariat vel pek chhuah a ni.

PHE Engineer in-chief Pu F. Liantluanga chuan Tlawng luiah tui dinmun a tha rih tih a sawi a, tunlai hian Tlawng Reiek kaiah tui litre nuai 1778 vel a awm, a ti. Hetih lai hian Aizawlah mipui cheng an tam zel avangin tui connection pekte hian mipui mamawh a phuhru vek zo lo tih a sawi a, dan ang chuan connection pakhat hi inhman tawm phal loh ni mah se chhungkaw tam takin an inhman tawm niin a sawi bawk a ni.

Pu F. Liantluanga chuan tun hnaia thli tleh leh ruah sur vangin tui pump kawngah harsatna an tawh thu a sawi a, hmun thenkhatah chuan thli tlehin tui pump-na tur electric a ti chhia tih a sawi bawk. Darkar rei lote chhung tui pump theih loh zeuh pawhin, chumi hliahkhuh leh tur chuan hun a ngai tam thin a, chu chuan tui sem leh pump kawngah harsatna a siam ve thei bawk, a ti.

PHE thuneitute sawi danin, Tlawng luia bawlhhlawh leh leivung paih a tam avangin tui pump sa thlitfimmnain Aizawl mipui hnena sem tur a thlifim zo lo fo a, a bik takin Aizawl mipuite chu luia bawlhhlawh leh leivung paih tawh lo turin an ngen a ni.

(Corr)

<><><>

## CADC DAY

Chakma Autonomous District Council day vawi 52 na chu CADC Secretariat kawtah nimin khan lawm a ni a.

He hun hi CADC Chairman, Pu Mohan Chakma chuan hmanpuiin CADC Secretariat Building thar kawtah Dr. BR. Ambedkar zahna chibai bukin a lim hma ah pangpar a dah a, CADC Secretariat Chawngte ah lawmna hun an hman chhunzawm a ni.

Pu Mohan Chakma chuan India danpui siamtu ber, Dr. BR. Ambedkar leh Babasaheb chu hnam tlem zawk Chakma te nunphung humhalh leh hmasawna tur kawngah ruahmanna tha tak nei a, Autonomy sawrkar hial am nei theih nana hmalaktu a ni a ti a, Chakma te zinga an hruaitu hmasate, Pu Mediya Chakma, Pu Baneshwar Chakma, Pu Hari Kristo Chakma, Pu Kristo Mohan Chakma leh Pu Atul Chandra Chakma te hmalakna leh thawhrimna avangin vawiin hun thlen a ni a ti. Pu Mohan Chakma chuan, CADC ah hian hnam hrang hrang Chakma, Tongchangya, Bawm, Pang leh Bru te an awm a, inrem taka hnam hrang hrang an awm khawm thei chu CADC ti hlu zualtu a ni a ti bawk.

Pu Mohan Chakma chuan CADC hmasawna hnathawh hrang hrang sawiin, SASCI hnuiaia kawngpui siam leh RKVY leh NEC hnuiaia Agriculture hmasawna te hmuh theih in alang a ni a ti. Thalai te chu Social Media hman danah atha zawnga hmangin thudiklo thehdarh lo turin a fuih a, CADC pumpui hmasawna atan pawimawhg tak chu, dikna, inpumkhatna leh midangte chungga duhsakna lantir hi a pawimawh tak zet a ni a ti.

CADC Day lawmna ah hian CADC a hruaitu leh oficial pawimawh tak tak te, khawtlang hruaitu, tlawmngaipawl leh Village Council hruaitu te an tel a ni.

Lai Autonomous District Council ah pawh an sin chinpha lawm nan LADC hnuiaia thawkten nimin zing khan Lawngtlai khawpui chhung fangchhuakin faina

hnatlang an nei a, kawngpui kama bawlhhlawh te chharkhawmin, LADC hnuaiia Sanitation lamin bawlhhlawh chharkhawmsa hi a paihna hmunah an paih nghal.

LADC hnuaiia Department hrang hrangte chu khawpui chhung an thenfai lai tur chan insemin National Highway dung bakah kawngpui pawimawh zual, DC Office leh District Hospital panna kawng, Christian Hospital panna kawng leh LADC Office panna kawnga bawlhhlawh te hnatlanga chhuakte hian an chhar fai.

LADC Day puakl Faina hnatlang nei hi LADC enkawl lailawktu (Caretaker) Lawngtlai DC Pu Cheemala Siva Gopal Reddy pawn a telpui.

Kum 1972 a Mizoram Union Territory a hlankai a nih kum khan Mizoram chhim lam a Pawi-Lakher Regional Council huam chhungah District Council pathum - Lai, Mara leh Chakma Autonomous District Council a lo piang a, kum tinin April Ni 29 hi Lai Autonomous District Council chuan LADC Day atan an hmang thin.

(Lalnggheta Lawngtlai PTC)

<><><>

### VICE PRESIDENT

Vice President Jagdeep Dhankhar an thubuai rem dan Indian Arbitration system siamthat a tul thu a sawi a. Reform awmze nei tak siam tura institution-te chanvo pawimawhna a sawi bawk a, anmahni huam chhung a thil tihtheihna zawngzawng an keng tel tih a sawi bawk.

Nimin khan New Delhi-a Society of Indian Law Firms (SILF) building hawn a nih hnuah mipui pungkawm hmaah thu a sawi a, arbitration process chu inrem taka kalpui a ngai a ni a ti, Vice President chuan, India chuan global arbitration hub lo chhuahna atana a mamawh zawng zawng a nei vek a ni, a ti.

<><><>

### UGC

University Grants Commission-National Eligibility Test (UGC-NET) exam chu June ni 16 atangin June ni 18 ah a sawn a. UGC hian candidate-te hnen atanga dilna hrang hrang an dawn hnuah he thutlukna hi a siam a ni. UGC chuan UGC-NET hi ni khatah ram pumah OMR mode-a kalpui a nih tur thu a sawi bawk.

UGC-NET hi India mite'n 'Assistant Professor' bakah Indian Universities leh College-a 'Junior Research Fellowship leh Assistant Professor' an nih theih leh theih loh hriatna atana test a ni.

(Newsonair)

<><><>

### KENYA

Kenya ah ruahsur nasa avangin Mai Mahiu huamchhunga tuikhuah a keh a, mi 40 chuang an thi a, ruahsur avanga tuilian a thi zat hi 120 an tling chho ta a ni.

Tun hnai kar engemaw zat chhung khan East Africa-ah ruah nasa takin a sur a, Tun thla tir lam khan Kenya Meteorological Department chuan May thla thleng khan ram chhung hmun hrang hrangah ruahtui tla a tam dawn niin an hrih lawk bawk, Burundi-ah mi nuai 1 vel chu hmun dangah an insawn tawh a, Tanzania-ah chuan mi 58 vel thi tawh in, mi sang chuang zet in chenna In an chan bawk.

East Africa-ah hian kum 2023 tawp lam khan ruahtui tlak lain tuilian record a thleng a, scientist-te chuan boruak inthlak danglam hian khaw lum leh khaw vawt nasa zawk leh khaw lum lutuk a thlen fo niin an sawi.

(Newsonair)

